



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 6. Tumultus in Ambianensi Dioëcesi concitati ob Patris le juge Sermones.

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

Sæc. XVII. A. C. 1644. Rex a Mechliniensi Archiepiscopo, & Gandavenfi Præsule causas, ob quas præfatam Bullam in Belgio recipere detrectarent, exponi præcepit: Hi vero illas ad sequentes reduxere. I. Hæc Bulla est subreptitie obtenta, & contra Papæ mentem ac mandatum nominatim Jansenium perstringit, novisque turbis fomitem præbet. II. Divi Augustini doctrina quæsito Jansenium impugnandi obtentu impetitur. III. Jansenii liber nondum legitime discussus est. Postea tamen jubente Rege Episcopi hanc Bullam, ut memorabimus, promulgarunt, eamque Duacensis Universitas recepit, obluçantibus adhuc Lovaniensibus, qui etiam die decima quinta Martii literas ad Parisienses Theologos dederunt, ut eos a suscipienda Urbani Bulla averterent.

§. VI.

Tumultus in Ambianensi Diœcesi concitati ob Patris le Juge Sermones.

Recit Veritabl. du Procède de l'Eveq. d'Amiens pag. 1.

Quamprimum Urbani VIII. Bulla, qua Janseniani Augustini Lectio prohibebatur, in Galliis divulgari cæperat, mox circa ipsam hujus Auctoris doctrinam præcipue inter Clericos opinionum animorumque dissensio orta est: vulga-

vulgabantur indies scripta fat amaru- Sæc. XVII.
A. C. 1644.
lenta non tam veritatem inquirendi,
quam oppositæ parti contradicendi stu-
dio: alii veritatem ex ipsa veritate im-
pugnabant, æmulationem istam oppe-
rante ipsa tam erroris, quam veritatis
ignorantia: Molinistæ adversus illos,
qui se Sancti Augustini Discipulos di-
cebant, in scholis & templis præcoci
Zelo detonabant, inde rixæ, offensio-
nes, & schismata, quibus tempestive
obviam ire non prætermittebant vigi-
lantissimi Franciæ Præsules, quos in-
ter præcipue Ambianensis Episcopus
hoc anno luculentum edidit specimen:
Dies erat Dominica, ut vocant, Quin-
quagesimæ, in qua Pater Christopho-
rus le Juge Jesuita in Ecclesia Collegii
sui sermonem ad populum habuit, in
quo contra quosdam *Gratiæ Prædicato-
res*, quo nomine Labadæum Canoni-
cum, & Dabillonium Theologiæ Docto-
rem, nominatos ab Episcopo Concio-
natores acriter invehebatur, atque ad
tantum immoderati Zeli impetum pro-
rumpebat, ut ambos, eoquod, ut in-
quit præfatus Præsul, *sæpius gratiæ
Christi necessitatem populo inculcassent*,
Apostatas, Hæreticos, idiotas, Cal-
vinistas & Lutheranos, Lurcones, &
Mysteriorum Dei indignos appellaret:
inde autem ingens populi offensio,
Cle-

Sæc. XVII. Clericorum indignatio, & communis
 A. C. 1644. perturbatio, eo vel maxime, quod hic
 Concionator non tam Catholicæ fidei
 studio, quam suæ Societatis, ac Mo-
 linianæ doctrinæ Zelo, adversæ partis
 homines infectatus crederetur: adeo
 privatæ utilitatis suspicio etiam verita-
 tis patrociniū exosum reddit. Aberat
 eo tempore Ambianensis Urbis Episco-
 pus, Parisiis ob Cleri negotia detentus:
 comperto autem tumultu mox inde re-
 versus, malo remedium opponere ad-
 laborabat.

§. VII.

*Vitæ periodus Joannis Labadie &
 Andreæ Dabillon.*

*Arnold. hist.
 Eccl. suppl.
 l. 16. p. 3.
 num. 26.* Pungebat acrius non modo ambos
 hosce a Jesuita offensos Doctores,
 sed quamplurimos ipsorum fautores im-
 modica intemperies, qua tanquam *Apo-
 stata* traducebantur; existimabant enim,
 hanc eis calumniam fuisse ideo impa-
 ctam, eoquod ambo per plures annos
 in Societate vixerint, eamque dimi-
 ferint: quocirca succincte de utriusque
 fatis pauca referre, haud incongruum
 erit. Igitur Joannes Labbadeus ob ra-
 ram indolem, ingenii ac judicii sagaci-
 tatem decimo septimo ætatis suæ anno
 a Jesuitis susceptus, biennio post sim-
 plici,